

Beñat Imaz Agirre

B maila • 2 saria

Ni Beñat Imaz Agirre naiz, eta 2005-eko maiatzaren 25an jaio nintzen. Txiki-txikitatik Andramendi Ikastolan ikasi dut eta aurtan azken urtea dut ikastolan. DBH4n nago ikasten. Nire zaletasunik handiena errugbia eta errugbian jokatzea da baina horretaz gain, mendira joatea eta gitarra jotzea ere gustoko ditut.



Doinua: Haizeak bidali du

JAZARPENA

Goizean esnatuta
infernua gertu,
etxetik irten eta
iluna agertu,
ikastetxea baitzait
kartzela bihurtu,
errurik izan gabe
nautenez baztertu

Klaserako sarreran
irain eta bultza,
begietan malkoak
dardarka gorputza
“Ez zaitez zu etorri
gugana honuntza”
honela mintzatu zait
talde harroputza

BERTSOAK

Nik esandakoari
burla ta iseka,
nitaz gaizki mintzatuz
den denak barrezka,
hauxe pentsatzen dut
nik tristuraz gainezka,
“Zergatik zoriona
zait neri debeka?”

Baina egun batean
hor argi izpia,
bera gerturatuta
lausotu begia,
berak izan behar du
arima bikia,
bera bihurtu baita
gaur nire argia

Hauxe da guztientzat
laguntza gutuna,
jazartua bazara
altxatu, laguna!
Hartu beti kontuan
iradokizuna,
erasotzailea da
beti erruduna

Hauxe dugu harria
eskoletakoa,
eguzkiaren pare
daukagu lainoa,
eman dezagun denok
lehenengo pausoa,
elkar errespetatuz
hor dago gakoa